



Broj: JN1-03-16-7-18-11/24  
Sarajevo, 11.09.2024. godine

Na osnovu člana 64. stav (1) tačka a) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14, 59/22 i 50/24), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za javnu nabavku iz Zapisnika o pregledu i ocjeni ponuda, broj: JN1-03-16-7-18-10/24 od 16.09.2024. godine, u postupku nabavke usluga obaveznog i kasko osiguranja službenih vozila Parlamentarne skupštine Bosne i Hercegovine putem konkurentskog zahtjeva za dostavu ponuda, Kolegij Sekretarijata Parlamentarne skupštine Bosne i Hercegovine donosi

## ODLUKU O IZBORU NAJPOVOLJNIJEG PONUDAČA

### I

(1) Prihvata se preporuka Komisije za javnu nabavku iz Zapisnika o pregledu i ocjeni ponuda, broj: JN1-03-16-7-18-10/24 od 16.09.2024. godine i Ugovor o nabavci usluga obaveznog i kasko osiguranja, zelenog kartona, osiguranja AO Plus i osiguranja za auto nezgodu za sva službena vozila Parlamentarne skupštine BiH za period od jedne godine, dodjeljuje se prvorangiranom **osiguravajućem društvu EUROHERC OSIGURANJE d.d.**, ul. Trg međunarodnog prijateljstva 20, 71 000 Sarajevo, IDB 4227015330006, čija je ponuda po utvrđenom kriteriju "Ekonomski najpovoljnija ponuda" sa podkriterijima: 1. Cijena - rel.učešće 80 % i 2. Rok za naplatu štete - rel.učešće 20 %, izabrana kao najpovoljnija ponuda sa ukupnim brojem 100 bodova.

(2) Ukupna cijena ponude izabranog ponuđača za predmetnu nabavku za period jedne godine iznosi 16.789,55 KM bez PDV-a (usluge osiguranja su zakonom oslobođene od plaćanja PDV-a), a rok isplate štete je 1 (jedan) dan od dana dostavljanja prijave osiguranog slučaja s kompletnom dokumentacijom.

### II

Izabrani ponuđač je u ponudi dostavio dokaze o kvalificiranosti u pogledu lične sposobnosti za nabavku usluga obaveznog i kasko osiguranja službenih vozila Parlamentarne skupštine Bosne i Hercegovine, te iste nema obavezu dostavljati ponovo.

### III

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena.

### IV

Ova Odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke usluga obaveznog i kasko osiguranja službenih vozila Parlamentarne skupštine Bosne i Hercegovine, broj: JN1-03-16-7-18/24 od 26.07.2024. godine. Ukupna procjenjena vrijednost nabavke za period jedne godine iznosila je 35.000,00 KM sa PDV-om. Komisija za javnu nabavku imenovana je Rješenjem Kolegija Sekretarijata, broj: JN1-03-16-7-18-1/24 od 26.07.2024. godine. Javna nabavka provedena je putem ponovljenog konkurentskog zahtjeva za dostavu ponuda. Tenderska dokumentacija, broj: JN1-03-16-7-3-18-6/24 od 29.08.2024. godine, objavljena je u sistemu „E-nabavke“, kao i Obavještenje o nabavci, broj: 166-7-2-25-3-44/24 od 29.08.2024. godine.

Tendersku dokumentaciju za nabavku usluga obaveznog i kasko osiguranja službenih vozila Parlamentarne skupštine BiH sa Portala javnih nabavki preuzelo je ukupno 15 ponuđača. Do termina zakazanog za predaju ponuda odnosno do 13.09.2024. godine do 10,00 sati pristigle su dvije blagovremene ponude i to:

Redni broj zaprimanja ponuda	Naziv i sjedište ponuđača
1.	EUROHERC OSIGURANJE d.d. Sarajevo, Trg Međunarodnog prijateljstva 20, 71000 Sarajevo
2.	SARAJEVO-OSIGURANJE d.d., Maršala Tita 29, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: JN1-03-16-7-18-8/24 od 13.09.2024. godine, Zapisnik o otvaranju ponuda, broj: JN1-03-16-7-18-9/24 od 13.09.2024. godine. i Zapisnik o pregledu i ocjeni ponuda, broj: JN1-03-16-7-18-10/24 od 16.09.2024. godine, sa preporukom o izboru najpovoljnijeg ponuđača.

Zadnjim navedenim zapisnikom konstatovano je da su obje ponude ponuđača **prihvatljive** za Ugovorni organ, jer ispunjavaju sve formalno pravne, lične i ekonomsko-finansijske uslove, odnosno zahtjeve ugovornog organa.

U Zapisniku je sadržano vrednovanje i rangiranje prihvatljivih ponuda po kriteriju „ekonomski najpovoljnija ponuda“ prema metodologiji utvrđenoj u tački 4.8. Tenderske dokumentacije Ugovornog organa, broj: JN1-03-16-7-3-18-7/23 od 20.09.2023. godine, te je utvrđen tabelarni pregled-rang lista prihvatljivih ponuda ponuđača, kako slijedi:

Ponuđač	Podkriteriji za primjenu kriterija ekonomski najpovoljnija ponuda	Bodovanje	Rang
		Podkriterij 1. maksimalno 80%	
		Podkriterij 2. maksimalno 20 %	

EUROHERC OSIGURANJE d.d.	1. Ukupna cijena usluga obaveznog i kasko osiguranja za sva vozila sa uključenim popustima i bez PDV-a (ne obračunava se na usluge osiguranja) iznosi 13.198,05 KM.	80	1 (prvi)
	2. Ponudeni rok za naplatu štete iznosi 1 (jedan) dan.	20	
	<b>UKUPNI BODOVI PONUĐAČA</b>	<b>100</b>	
SARAJEVO OSIGURANJE d.d.	1. Ukupna cijena usluga obaveznog i kasko osiguranja za sva vozila sa uključenim popustima i bez PDV-a (ne obračunava se na usluge osiguranja) iznosi 13.760,30 KM.	62,40	2 (drugi)
	2. Ponudeni rok za naplatu štete iznosi 1 (jedan) dan.	20	
	<b>UKUPNI BODOVI PONUĐAČA</b>	<b>82,40</b>	

Shodno navedenom, Komisija za javnu nabavku preporučila je Kolegiju Sekretarijata (Zapisnik, broj: JN1-03-16-7-18-10/24 od 16.09.2024. godine, u prilogu), da u postupku nabavke usluga obaveznog i kasko osiguranja službenih vozila Parlamentarne skupštine BiH, donese Odluku o izboru najpovoljnijeg ponuđača za prvorangirano **osiguravajuće društvo EUROHERC OSIGURANJE d.d.**, ul. Trg međunarodnog prijateljstva 20, 71 000 Sarajevo, IDB 4227015330006, čija je ponuda po utvrđenom kriteriju “ekonomski najpovoljnija ponuda” sa podkriterijima: 1. Cijena - rel.učešće 80 % i 2. Rok za naplatu štete - rel.učešće 20 %, izabrana kao najpovoljnija ponuda sa ukupnim brojem 100 bodova.

Ukupna cijena ponude izabranog ponuđača za predmetnu nabavku za period jedne godine iznosi 16.789,55 KM bez PDV-a (usluge osiguranja su zakonom oslobođene od plaćanja PDV-a), a rok isplate štete je 1 (jedan) dan od dana dostavljanja prijave osiguranog slučaja s kompletnom dokumentacijom.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javnu nabavku da se ponuđač Euroherc osiguranje d.d. izabere za realizaciju Javne nabavke usluga obaveznog i kasko osiguranja službenih vozila Parlamentarne skupštine Bosne i Hercegovine putem Ugovora zaključenog na period jedne godine, te je odlučio kao u dispozitivu odluke.

#### **Pravna pouka:**

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

**Dostavljeno:**

- EUROHERC OSIGURANJE d.d. Sarajevo, Trg Međunarodnog prijateljstva 20, 71000 Sarajevo
- SARAJEVO-OSIGURANJE d.d., Maršala Tita 29, 71 000 Sarajevo
- Sektoru za finansije
- a/a

**KOLEGIJ SEKRETARIJATA:****Mirza Imamović** \_\_\_\_\_**Gordana Živković** \_\_\_\_\_**Dražen Mustapić** \_\_\_\_\_